

Канон всем святым в земли Российстей просиявшим

Память празднуем в Неделю 2-ю по Пятидесятнице

Тропарь, глас 8-й

Якоже плод краснѣй Твоего спасительнаго сѣяннѣя, земля Россійская приносѣт Тебѣ, Господи, вся святѣя, в той просиявшия. Тех молитвами в міре глѣбоце Церковь и страну нашу Богородицею соблюди, Многомилостиве.

Ин тропарь, глас 4-й

Иерусалима Вышняго гражданы, от земли нашея возсиявшия и Богу во всяцем чинѣ и всяким подвигом угодившия, приидите, воспойм, вернии: о всеблаженнии земли Россійския заступницы, молитесь ко Господу, да помилует сию от гнѣва Своего, исцеляя сокрушение ея, и верныя люди Своя утѣшит.

Канон, глас 8-й

Песнь 1

Ирмос: В Чернѣм фараона с колесницами погрузил еси и люди Моисеом спасл еси, поющия Тебѣ, Господи, песнь побѣдную, яко Избавителю нашему Богу.

Припев: Все святѣи, в земли Россійстей просиявшии, молитѣ Бога о нас.

Все в пѣснях духовных воспойм согласно во благочестии просиявшия Божественныя отцы наша, яже изнесѣ Русскія земли всяко мѣсто и страна и яже Церковь Русская воспита.

Все святѣи, в земли Россійстей просиявшии, молитѣ Бога о нас.

Радуйтесь, святителие седмочисленнии: Василіе, Ефреме, Евгѣние, Елпидіе, Агафодоре, Ефѣрие и Капитоне, в Херсоне епископствовавшии и зѣмлю нашу кровью своими освятѣвшии.

Все святѣи, в земли Россійстей просиявшии, молитѣ Бога о нас.

Приидите, мучениколюбцы вернии, пѣснями почтим первомученики русскія, Феодора и юнаго Иоанна, идолом не послужившия и крови своя за Христа давшия.

Все святѣи, в земли Россійстей просиявшии, молитѣ Бога о нас.

Величїе наше и похвала ты еси, Ольго Богомудрая, тобою бо свободихомся от бесовскаго прельщенїя, не престай и ныне молити за люди, яже Богу привела еси.

Все святѣи, в земли Россійстей просиявшии, молитѣ Бога о нас.

Радуйся и веселися, рабе Христов, княже великий и мудрый Владиміре, просветителю наш, тобою бо избавихомся от душепагубнаго идолослуженїя, темже, радуйся, вопиѣм тебѣ.

Все святѣи, в земли Россійстей просиявшии, молитѣ Бога о нас.

Сияет, яко звезда на небесі, Божий иерарх Михайл, зѣмлю Русскую просветивый светом познания Божественныя веры и Владыце приведый люди новы, банею Крещения обновленны.

Слава: О блаженнии страстотерпцы Христовы, князие Борисе, Глебе, и Игоре, и Михайле с боярином Феодором! Не забудите отечества вашего, глад и озлобление отгоните, от грехопадений междоусобий избавите ны.

И ныне: С Чинми Ангел, Владычице, со пророки, и апостолы, и со всеми святыми за ны, грешныя, Богу помолися, Твоего Покрова праздник в Российской земли прославляшия.

Песнь 3

Ирмос: Небеснаго круга Верхотворче, Господи, и Церкви Зиждителю, Ты мене утверди в любви Твоей, желаний краю, верных утверждение, Единое Человеколюбче.

Вси святїи, в земли Российской просиявшии, молите Бога о нас.

Проповедует преславно и паче трубы вопиет великая Лавра Печерская, тобою начало приемшая, отче преподобне, Антоние славне, всех российских монахов первоначальниче.

Вси святїи, в земли Российской просиявшии, молите Бога о нас.

Воспойм светло монашескаго общаго жития в Русстей земли устроителя, блаженнаго Феодосия, с ним и Нестора, достопамятных деяний списателя, и Алипия, живописания в России начальника.

Вси святїи, в земли Российской просиявшии, молите Бога о нас.

Рай мысленный еси, Печерская святая гороб, умножившая духовная древесая, блаженныя отцы, ихже исцелити по единому не могуще, о всех вкупе хвалу принесем Единому Владыце.

Вси святїи, в земли Российской просиявшии, молите Бога о нас.

Антоние, Иоанне и Евстафие, твердии исповедницы Православныя веры, издревле в земли Российской-Литовстей насаждении, молитвами вашими от зловредных иноверных мудрований соотчичей ваших и всех нас ограждайте.

Вси святїи, в земли Российской просиявшии, молите Бога о нас.

Ходатаи будите за отечество ваше земное, Афанасие преподобномучениче, и ты, отроче Гаврииле, научите убо и нас Православие дерзновенно исповедати и страха вражия не боятися.

Вси святїи, в земли Российской просиявшии, молите Бога о нас.

Да почтится Иов преподобный, Лавры Почаевския украшение, вкупе со всеми угодники и чудотворцы Волинскими, дела своими и чудесы облиставшии преславно земли нашае концы.

Слава: Песньми священными восхвалим Афанасия, Цареградскаго святителя, свое благословение земли Российской принесшаго и честныя своя мощи, яко залог единения со Вселенскою Церковию, нам оставльшаго.

И ныне: Се время заступления Пресвятыя Богородицы прииде, умножившимся соблазном, се время наших к Ней воздыханий, о братие, рцем убо от всего сердца нашего: Владычице, Владычице, помози людем Твоим.

Господи, помилуй (*трижды*).

Седален, глас 7-й

Ношней тьме огустевающей, умножается звездный блеск, и к тому́ очи заблуждших радостно возводятся. Тако и умножившейся на земли греховней тьме, возведём горé очи наши, братье, и, сияние духовных звезд, зёмлю нашу озаряющих, узрѣвше, к Небесному Отчеству потщимся, егóже да не лишит Господь нас, грешных, молитвами святых Своих.

Слава, и ныне: Притецём, вѣрнии, к Божественней и цельбоносней ризе Спасителя нашего Бóга, благоизволившаго сию плóтию носити и на Кресте Святую Свою Кровь излить, ёюже искупí нас от работы вражия. Тёмже благодарственно вопиём Емú: спасí Первосвятителя нашего и архиереи, Отчество наше и вся люди честною Твоею ризою защити́ и спаси́ дúши наша, яко Человеколюбец.

Песнь 4

Ирмос: Ты моя крепость, Господи, Ты моя и сила, Ты мой Бог, Ты моё радование, не оставь недра Отца и нашу нищету посетив. Тем с пророком Аввакумом зовём Ти: силе Твоей слава, Человеколюбец.

Вси святии, в земли Россійстей просиявши, молите Бóга о нас.

Первоначальника и устроителя града Москвы́, блаженне княже Дани́ле, показá тя Господь, к Немú же непрестáнно моляся, град твой охраняй, зёмлю нашу от бед спасай, православныя же рúския люди посещати милостивно не преста́й.

Вси святии, в земли Россійстей просиявши, молите Бóга о нас.

Мо́лим вас, святителие Христовы Пётре, Алексíе, Ио́но, Филиппе и Иннокентие, Фóтие, Киприане и Феогно́сте и вси прóчии Москóвстии чудотворцы: душевное смущение и печали наша бурю разорите и тишину́ нам подайте вашими к Бóгу молитвами.

Вси святии, в земли Россійстей просиявши, молите Бóга о нас.

И первопрестóльник Россійския Цѣркве, и исповѣдник Православныя вѣры, и обличитель грехолюбивых и мятежных, и строитель Рúския земли́ был еси́, святителю Ермогѣне, и за сие темницею и глáдом мучимь был еси́ и приѣмь от Бóга неувыдаемый венец, со святители и мученики весели́шися.

Вси святии, в земли Россійстей просиявши, молите Бóга о нас.

Радуется славный град Москва́, и веселия исполняется вся Россíя, на тво́я молитвы надею́щаяся, Сѣргие Богоблаженне, обитель же тво́я красу́ется, хранящи честны́я тво́я мóщи, яко сокровище священное.

Вси святии, в земли Россійстей просиявши, молите Бóга о нас.

Пѣсньми священными восхва́лим преподóбнаго Нíкона, послушания рачítеля, с нímже воспойм Михе́я, Сáвву и Дионíсия, Стефа́на, Андрóника и Сáвву и вся преподóбныя ученики́ и собесѣдники великаго Сѣргия, ихже молитвами сынове россíйстии спаса́ются.

Вси святии, в земли Россійстей просиявши, молите Бóга о нас.

О премúдрии и, блаженни Васи́лие, Макси́ме и Иоáнне Москóвстии и вси Христá ради юрóдивии Россíйстии, чúднии житиём и рáзумом, мо́лим вас приле́жно: молите Христá Бóга нашего за земно́е отечество ва́ше и всем вѣрным спасение испросите.

Слава: Но́вый сто́лпник в де́бри Калу́жстей яви́лся еси́, преподо́бне Тихоне, и купно с преподо́бным Пафну́тием, ино́чества стро́гим ревни́телем, и блаже́нным Лавре́нтием ко Гра́ду Го́рнему в стране́ твоёй путь ве́рный проложи́л еси́, на нёмже упаси́ и нас моли́твами твои́ми.

И ныне: Подо́бием ико́ны Иверския не то́чию Афóн просвещáется, но и град Москвá украша́ется и инии гра́ди и ве́си освяща́ются, от тоя́ чуде́сную по́мощь прие́млюще и исто́чник утешéния в ней обрета́юще, и нам, Благо́я Врата́рнице, двéри ра́йския отвéрзи.

Песнь 5

Ирмос: Вску́ю мя отрину́л еси́ от лица́ Твоего́, Све́те Незаходи́мый, и покры́ла мя есть чужда́я тьма, окая́ннаго, но обрати́ мя и к све́ту за́поведей Твои́х пу́ти моя́ напра́ви, молю́ся.

Вси святи́и, в землі Росси́йстей просия́вшии, моли́те Бо́га о нас.

Вели́каго Новагра́да первопа́стырие, Никі́то, Ни́фонте, Иоáнне, Феокти́сте, Моисе́е, Евфи́мие, Ио́но и Серапиóне, и прóчии чу́днии святители́е, в дому́ Прему́дрости Бо́жия, я́ко фи́никсы, процвели́ есте́, словесы́ благопло́дными и непоро́чным жити́ем.

Вси святи́и, в землі Росси́йстей просия́вшии, моли́те Бо́га о нас.

Све́тло да похва́лятся кня́зие Новгоро́дстии, Влади́мир, Святы́я Софи́и пречу́дныя устройте́ль, с ма́терию свое́ю Анною, и Мстисла́в, и Феодо́р, с ни́ми же и вси от ро́да князе́й Росси́йских жити́ем богоуго́дным просия́вшии, Божество́нными да воспою́тся пе́снями.

Вси святи́и, в землі Росси́йстей просия́вшии, моли́те Бо́га о нас.

Дивна́го Варлаа́ма, вели́ка Новагра́да сла́ву и украше́ние, всеросси́йскаго моли́твенника, и Анто́ния сла́внаго, от ве́тхаго Ри́ма на ка́мени по волна́м морски́м преплы́ваша, Са́вву же, и Ефре́ма, и Миха́ила кто досто́йно просла́вит от земны́х?

Вси святи́и, в землі Росси́йстей просия́вшии, моли́те Бо́га о нас.

Еде́мскаго ра́я, прииді́те, ви́дим цве́ты присножи́зненныя и богопрозябе́нныя, по́двиги оте́ц, в преде́лах Новгоро́дских просия́вших, ихже есть еди́н Де́латель Господь.

Вси святи́и, в землі Росси́йстей просия́вшии, моли́те Бо́га о нас.

Все́волод кро́ткий и Довмо́нт, Пско́ву стена́ необори́мая, и Никóла блаже́нный и Корни́лий преподо́бный, святы́м Креще́нием чудь Ливо́нскую просвети́вый, пе́снями да воспою́тся.

Вси святи́и, в землі Росси́йстей просия́вшии, моли́те Бо́га о нас.

Ве́ру Правосла́вную пред лати́ны пропове́давшии, к ве́чным востеко́ша оби́телем Исидо́р пресви́тер и с ним собо́р му́ченический во Юрьеве, гра́де Ливо́нстем, Царю́ царей ны́не предстоя́ще, мо́лятся о нас, почита́ющих па́мять их.

Слава: Авраа́мия Богоно́снаго, Смоле́нска украше́ние, и Евфроси́нию, ра́дование По́лотское и де́вам сия́ние, Христе́ мой, Тебе́ приводим моли́твенники, ихже ра́ди спаси́ нас.

И ныне: Засту́пница те́плая иногда́ вели́кому Новугра́ду была́ еси́ и ненаде́ющихся наде́жда и люде́й бе́дствующих Помо́щница, и ны́не о́ком

милосердным при́зри на нас и, ско́рби на́ша ви́девши и воздыха́ние услы́шавши, зна́мение ми́лости яви́ нам, Пречи́стая.

Песнь 6

Ирмос: Во́днаго зве́ря во утробе длáни Ио́на крестови́дно распросте́р, спаси́тельную страсть прообража́ше я́ве; тем, тридне́вен изше́д, премирное Воскресе́ние прописа́ше плоти́ю пригвожде́ннаго Христа́ Бо́га и тридне́вным Воскресе́нием мир просвеща́го.

Вси святи́и, в землі Росси́стей просия́вши, моли́те Бо́га о нас.

Ева́нгельски Христа́ возлюбивше, преподо́бнии Зоси́мо, Савва́тие, Ге́рмане, Ири́нарше, Елеза́ре и прочи́и Соловѣцкии чудотво́рцы, ми́ра отврати́теся, в непроходи́мыя и пусты́я о́строва Соловѣцкия заше́дше, вся́кия добродѣтели о́бразу навыко́сте, му́дрей пчелѣ подобя́щеся, и селѣние, досто́йное прияти́ Ду́ха Свята́го, бы́сте, прему́дрии.

Вси святи́и, в землі Росси́стей просия́вши, моли́те Бо́га о нас.

Вели́каго в чудесе́х преподо́бнаго Три́фона воспо́им, Лопáрскаго просвети́теля, в послѣдних концѣх се́верныя страны́ от го́рькаго ра́бства бесо́вскаго лю́ди изба́вльшаго и свята́м креще́нием возродившаго.

Вси святи́и, в землі Росси́стей просия́вши, моли́те Бо́га о нас.

Ра́дуйся, пусты́не, пре́жде беспло́дная и необита́емая, по́слежде же, я́ко крин, процвѣтшая и ино́к мно́жество возрасти́вшая! Взыгра́йте, го́ры Валаа́ма и вся древа́ дубра́вная, хва́ляще с ни́ми Серге́я и Ге́рмана, вку́пе же и Арсе́ния со Алекса́ндром Сви́рским, отцы́ всехва́льныя.

Вси святи́и, в землі Росси́стей просия́вши, моли́те Бо́га о нас.

Жити́я сегó непостоя́нную пучи́ну немяте́жно прешѣл еси́, преподо́бне Кири́лле, ко́рмчую Ма́терь Бо́жую имѣя, и ты, Ио́сифе, Во́лоцкая похвало́, и Ни́ле нестяжи́телю, на воде́ поко́йне и на зла́це воздержáния учени́к ва́ших стада́ му́дре упасли́ есте́, и ны́не с ни́ми моли́теся о чту́щих па́мь ва́шу.

Вси святи́и, в землі Росси́стей просия́вши, моли́те Бо́га о нас.

Я́ко зве́зды вели́кия, просия́ша в мона́шеских собо́рах Анто́ний Си́йский и Три́фон Вя́тский, Дими́трий на Прилу́це и Амфило́хий и Дионис́ий, похвала́ Глуши́цкая, Григо́рий Пельше́мский, Па́вел, и Серге́й, и Корни́лий Волого́дстии, я́ко луча́ми, сия́юще добродѣтелями жити́я своего́, преподо́бнии.

Вси святи́и, в землі Росси́стей просия́вши, моли́те Бо́га о нас.

Богови́дно поживше, пусты́ни, я́ко гра́ды, сотвори́ли есте́, Мака́рие, Варна́во и Ти́хоне, Авраа́мие и Генна́дие. Те́мже вку́пе с прочи́ми отцы́, в преде́лах Костромских и Яросла́вских просия́вшими, ублажа́ем вас и мо́лим: моли́те Го́спода, да не лишит и нас его́же ны́не наслажда́етеся боговидѣ́ния в вѣчном гра́де Небе́снаго Ца́ря.

Слава: Лику́й, Фиваи́до Ру́сская, красуй́теся, пусты́ни и де́бри Олонѣ́цкия, Белозе́рския и Волого́дския, возрасти́вшия свято́е и сла́вное оте́ц мно́жество, чудным жити́ем всех наставля́ющее ми́ру не прилепля́тися, крест свой на ра́мена взя́ти и во след Христу́ шество́вати.

И ны́не: Твое́ю всечестно́ю ико́ною Ти́хвинскою, ю́же вели́кая Росси́я я́ко некий дар Божѣ́ственный свѣ́ше благоговѣ́йно при́ят, при́сно страну́ на́шу, о Госпо́же Цари́це Богоро́дице, покрыва́й и заступа́й, спаса́ющи сию́ от всех наве́т вра́жиих.

Господи, помилуй (*трижды*). Слава, и ныне.

Кондак, глас 3-й

Днесь лик святых, в земли нашей Богу угодивших, предстоит в Церкви и невидимо за ны молится Богу. Ангели с ним славословят, и вси святии Церкви Христовы ему спразднуют, о нас бо молят вси купно Превечнаго Бога.

Икос

Едемскаго рая древесá доброплодная и красная явѣшася святѣи, цвѣты благовонныя учений и плоды дел творящии, от нихже души наша питаются и глад наш духовный утоляется, приидите убо, притечем под сень их и ублажим их, яко страны нашей отраду и украшение и яко жития образ нам и начертание, тѣи бо венцы прияша нетленные от Превечнаго Бога.

Песнь 7

Ирмос: Божия снизхождѣния огонь устыдѣся в Вавилоне иногда. Сего ради отроцы в пещи, радованною ногою, яко во цветнице, ликующе, пояху: благословен еси, Боже отец наших.

Вси святѣи, в земли Россійстей просиявшии, молите Бога о нас.

Леонтий, Исая и Игнатий, Иаков и Феодор, честнии Духа сосуди и Ростову украшение, Авраамий, идолом поклонявшися ко Христу приведый, и Петр царевич, и Иринарх, самопроизвольный страдалец, Кассиан и Паисий, князь Роман и царевич Димитрий, и вси Ростовстии и Угличстии чудотворцы Божественными да воспойтсѣ песньми.

Вси святѣи, в земли Россійстей просиявшии, молите Бога о нас.

Да величается Невский победитель, благоверный князь Александр, да поется Георгий, воин храбрый и страдалец, да похвалится Андрей, первый Русския земли собиратель, вкупе со Глебом, юным сыном своим, да воспойтсѣ же и Авраамий мученик, града Владимира слава, Святые Руси заступницы и Церкви Православныя украшение.

Вси святѣи, в земли Россійстей просиявшии, молите Бога о нас.

Феодору и Иоанну слава, Суждальским светильником, Симону и Дионисию! С ними да поются и Евфимий, в подвизех превысокий, и Евфросиния преподобная, пресветлая Суждальская звезда, вкупе же и Косма, на Яхроме реце подвизавыйся.

Вси святѣи, в земли Россійстей просиявшии, молите Бога о нас.

Песнь столпнику Никите, покаяния образ явившему, хвала и Даниилу, нищих и безродных согревателю, слава и Андрею, княжение оставившему и в нищетнем образе житие скончавшему, Переяславским чудотворцем.

Вси святѣи, в земли Россійстей просиявшии, молите Бога о нас.

Константине княже, апостоле и просветителю Муромския земли, с Михайлом и Феодором, чады твоими, и Петре и Февроние, и праведная Иулиание милостивая, Мурома заступницы, вкупе же и Василие святителю и княже Романе, Рязани славо, о нас Христе молите.

Вси святѣи, в земли Россійстей просиявшии, молите Бога о нас.

Тверская похвало, Арсение святителю, Михайле, княже и мучениче, и Анно, града Кашина сокровище, Ниле и Макарие преподобнии, Ефреме, града Торжка просветителю, со Аркадием и Иулианиею, цветом целомудрия, о нас Христа молите.

Слава: Оружием ваших молитв, благовернии князие Феодоре и Давиде с Константином и Василие и Константине, Ярославля славо, охраняйте и ныне отечество ваше и людей православных от всяких бед и напастей.

И ныне: Яко благодатное сокровище даровала еси Святей Руси икону Твою Владимирскую, еюже отцем нашим многочастне и многообразне благодяла еси. Не оскудей и ныне, о Мати Божия, утоляющи лютое на нас востание, и землю Русскую спаси.

Песнь 8

Ирмос: Победители мучителя и пламене благодатию Твоею бывше, заповедем Твоим зело прилежаще, отроцы вопияху: благословите, вся дела Господня, Господа.

Вси святии, в земли Российской просиявши, молите Бога о нас.

Красуйся, граде Казань, имея молитвенники своя, преподобных святителей Гурия, Варсонофия и Германа, отгнавших от тебе тьму неверия, и Иоанна мученика, и Стефана, и Петра, отеческое нечестие оставивших и мученически в Небесное Отечество прешедших.

Вси святии, в земли Российской просиявши, молите Бога о нас.

Священнаго Писания от юности научився, богоносе Стефане, ралом словес твоих оляденевшая зырянских людей сердца возделал еси и Божественное семя в них всеял еси. Ныне же вкупе со святыми продолжатели дела твоего Герасимом, Питиримом и Ионою паству вашу и всю Русскую землю молитвами вашими ограждайте.

Вси святии, в земли Российской просиявши, молите Бога о нас.

Веселися, Сибирская страно, в тебе бо Господь яви угодники Своя: праведнаго Симеона Верхотурскаго, и Иркутския святители Иннокентия и Софрония, и Иоанна Тобольскаго, новыя дивныя светильники и чудотворцы.

Вси святии, в земли Российской просиявши, молите Бога о нас.

Радуйся, Иверие и вся земле Грузинская, торжествуй, Армение, воспеваючи равноапостольную Нину и Тамару, Григория Просветителя и иных многих, в странах Кавказских веру Православную исповедавших и ныне о земном отечестве Христу молящихся.

Вси святии, в земли Российской просиявши, молите Бога о нас.

Иерарше Богомудре Димитрие, жития святых писателю и подражателю оным ревностный, славы оных молитвами твоими соделай нас общники.

Вси святии, в земли Российской просиявши, молите Бога о нас.

Святителю отче Митрофане, первый Воронежю пастырю, мужество велие явивый, прещения царева и смерти не убоявыйся и в простоте души свою спасый, моли Бога о нас.

Слава: Яко пчела, мед сладкий от цветов скороувядающих собрал еси, отче Тихоне, от тленного мира духовное сокровище, имже всех нас услаждаеши.

И ныне: Заступницу усердную восхвалим и честному Ея поклонимся образу, имже в новопросвещенней стране правоверие утверди и в годину лютую мать

ру́сских градо́в спасе́. Сей и гра́да свята́го Петра́ вели́кое сокрови́ще, и всея́ земли́ на́шея пресла́вное бога́тство.

Песнь 9

Ирмос: О, де́вства край, Богоро́дице! пе́снями же сла́вными пра́здники возвыша́ющая благода́тей Твои́х и ны́не де́вственною Сло́ва Твоего́ па́мятию найти́ем та́йным украша́ющая в ней Тя велича́ющая.

Вси святи́и, в земли́ Росси́стей просия́вшии, моли́те Бо́га о нас.

О благо́й просвети́телю и ти́хий а́нгеле Це́ркве Тамбо́вския, святи́телю Пители́ме, весели́ся о па́стве твое́й и всея́ Руси́, в ней бо но́вая и ве́чная радо́сть процвете́, преподо́бный Серафи́м, дивный тру́дник спасе́ния на́шего.

Вси святи́и, в земли́ Росси́стей просия́вшии, моли́те Бо́га о нас.

О святи́телие Богому́дрии Феодо́сие и Иоаса́фе, дивным нетле́нием от Го́спода просла́вленнии! Ва́ми возвели́чени есмь́ и мы, ча́да су́ще Це́ркве Правосла́вныя, в не́йже и доны́не Госпо́дь чу́дная явля́ет и рабо́в Свои́х прославля́ет.

Вси святи́и, в земли́ Росси́стей просия́вшии, моли́те Бо́га о нас.

О но́вый чудотво́рче, Ио́сифе, святи́телю и му́чениче! Град Астрахань и вся Пово́лжская страна́ тобо́ю хва́лится и почита́ет тя, за пра́вду от неверных мяте́жников лю́те пострада́вша.

Вси святи́и, в земли́ Росси́стей просия́вшии, моли́те Бо́га о нас.

О, па́че сло́ва и превы́ше похва́л свята́х страсоте́рпцев по́двига! Зло́бу у́бо лю́тых отсту́пников и на́глое иуде́йское не́истовство претерпе́ша, ве́ру Христо́ву проти́ву учений́ ми́ра сего́, я́ко щит, держа́ще и нам о́браз терпе́ния и злострада́ний досто́йно явля́юще.

Вси святи́и, в земли́ Росси́стей просия́вшии, моли́те Бо́га о нас.

О, твёрдости́ и му́жества полка́ му́ченик Христо́вых, от ха́нов лю́тых за Христа́ уби́енных! Ти́и бо Це́рковь Правосла́вную украси́ша и в стране́ свое́й кро́ви своя́, я́ко се́мя ве́ры, да́ша, и купно́ со все́ми свята́ми досто́йно да почту́ся.

Вси святи́и, в земли́ Росси́стей просия́вшии, моли́те Бо́га о нас.

О вели́цыи сро́дницы на́ши, именованнии́ и безыме́ннии, явлéннии и неявлéннии, Небе́снаго Си́она дости́гшии и сла́ву мно́гу от Бо́га прии́мшии, утеше́ние нам, в ско́рби су́щим, испроси́те, ве́ру на́шу па́дшую возста́вите и лю́ди расточéнныя собери́те, от нас, я́ко дар, песнь благода́рения прие́млюще.

Слава: О Тро́ице Честна́я, приими́, я́же Росси́я прино́сит Ти, я́ко нача́тки и я́ко фими́ам избра́нный, вся угоди́вшия и пре́жде, и по́слежде в ней, зна́емыя и незна́емыя, и моли́твами их от вся́каго вре́да сию́ сохраня́й.

И ны́не: О Де́во Благода́тная, гра́ды и ве́си на́ша честна́го ли́ка Твоего́ изображе́нии, я́ко благоволе́ния зна́мении, обогати́вша, благода́рение на́ше приими́ и от бед лю́тых оте́чество на́ше изба́ви, вси бо Тя, я́ко Покро́в всемо́щный страны́ на́шея, велича́ем.